

A Monthly Christian Magazine

AN ORGAN OF THE ZOU PRESBYTERIAN CHURCH SYNOD



Khristian Tangkou

Vol. 52 || No. 04

April, 2016



Editor: Rev. Tualzachin

Khristian Tangkou

Vol. No. 52 | Issue No. 4 | April, 2016

Editorial Board

- Editor** : Rev. Tuelzachin - 9862829526
- Joint Editor** : Rev. Stephen Chinzathang
- 9863042789
ct_stephen@yahoo.com
- Circ. Manager** : Upa Jansiamung - 9862886615
jansiamung@rediffmail.com
- Sus. Manager** : Kamgenpau - 8974612937
Sya T. Ginzahau - 8974438842
- Cont. Editors** : Upa S. K. Khama - 9856406454
Rev. Aemkhendrup - 9862828921
Rev. M. G. Nehlan - 89535042257
Rev. Kalmasanai - 9862923960

ZOU SYNOD ULIENTE

- Moderator:
Rev. Khupkhansuan
- Moderator Elect:
Rev. Mongsuanthang
- Secretary (Sr):
Upa T. C. Pau
- Secretary (Jr):
Upa Sianzahau
- Treasurer:
Upa T. Lamkhotthawng
- Statistician:
Upa Kapkhenhang
- Executive Secretaries:
Rev. Tuelzachin
Rev. Stephen Chinzathang

Copies - 1100

AMAN

Kumkhat ah	- ₹	100.00
Post ah	- ₹	200.00
Copykhat ah	- ₹	10.00
Life Member Fee	- ₹	1,000.00
Patron Member Fee	- ₹	2,000.00
Memorial gift	- ₹	2,000.00

A sung thu

• Editorial.....	01
• Thu tuomtuom	03
• Reports	06
• Sil loupi a bawl zieh a	07
• Pasian gam vaihawm chieng	10
• Na gam hing tung hen	17
• Zomi Colony BSI Member List.....	18
• ZPWF Column	21
• Suunna	24

Thusuo zosie Editor leh Zou Synod
ngeidan ahi kimsih a, a suotute'n maw
a kipuoh chiet ding uhi.

Thusuo dingte Editor kung a pieh
ding ahi.

Published by: The Zou Presbyterian Church Synod, Zomi Colony, Chumchandpur, Manipal-795128

Editorial

CHIBAI BUHNA!

Amasa'n Hattuumte tuni tana Ama nna sepkhawmpi te kungah lungdamna chibai ka hing bawl hi. Tu ha thupi dingin "Belampu hoi" (The good Shepherd) Johan 10:11-14 "Kei Belam chingpa hoi ka hi. 10:11

- (a) Belam chingpa hoi in belamte dingin ahinna apie hi". Tami pen Jesu ama leh ama akigenna ahi. I Mangpa Jesu ngei in eite ang lungsiet na zieha Van mun thupi te bangma simlou a ei mikhiel shi ding leh mangthai dingte ang tat khietna khu ahi. Khumma bangin ei Hattuum lamkaite leh Upate in eima lohna dingte taan ngam khop a i Hattuum mipite ittah leh ginum tah a ichin a, ikep ding uh ahi. Tualeh Hattuum lamkaiten ka etkawl ka Belam ten bang ann adu ei...? Bang ann toh vahlang ahoi diei...? ngaituo zing poimaw hi. Hattuum kemtu lamkai khenkhatte a etkawl ah Hattuum mipiten ama thugen zong zapei nonlou, anntha piehsom mawngmawng lou a annkhing ngen nesah gige chibang aum thei hi. Bang hileh ka Belamten ann tha bang ann adu dive aw chia kisingsah gige poimaw hi. Tualeh i Belamte lah ah chimaw genthei thuoh bang aumthei tuaban ah heentang kolbut a taangbang aum thei a, ama uhte shi taang in ken thuohzaw vang chia, belamte a dinga a hinna pengam Hattuum makai poimaw mama hi. Khumbang a i etkawl i Hattuum mipite a ding a i kiphah chieng un Pasian in bang lam banglam ah amauhte tunga ideisahnate leh i taanngamnate Aman aletamzaw in hing pethuh ding hi chi muongngam vaui. I Mangpa Jesu ngei in leitung mun niem pen ah hing pieng in kumtawn a hinna itan theina ding un

bawlsietna, soisahna, chilphit leh simmawnate thuoh zou in Kross ah ang shi hi chi manghil sih vai 10:12-13.

- (b) Neh thalaw Belampu: Neh thalaw Belampu ten a Belamte awlmawna aneish ua, ataimang san zel uhi. Tuachiin Ngie hing pei amu chiengun belamte ataimang sieng uhi. Tamnah nehthalaw Belampu ichi pen Hattuum khat ahilou leh biel khat enkawl dinga khawmpi in mipi maimai hilou a Pasian mai a thuchiem nei pumpum a asiemkhiette agenna ahi. Hinanleh khenkhat ten Ordination atan zou phot uleh Pasian mai a athuchiem tukip lou, china ahi. Anasep or amawpuohna pen Kumpi nna hilou a Pasian nna ahilam theipha non lou tampi ki um hi. Ama muna leh lawhna aum sih leh kalsuon pei lou chibangum hi. Khum hunchiengin Ngiete hing lut in Belamte a del mang zel hi. Tamnah Ngie ichi chiengun inn-sa a dinga melma (enemy) zauhuoi pen ahi bang in Belamte a dinga zong melma zauhuoipen ahi. Ngie ichi chiengun Hattuum leh pawlpi te suse dinga thugentu i doctrine ahilou leh ithugin kibahpi lou pawl dang apat a hing umthei tham hi. Ama uh ten Hattuumte thazaw in apuimangzel uhi. Tuabang eima pawlpi in zong ana tuoh kha ngai hi. Hattuum lamkaite adia pilvang poimaw mama hi.

10:14. Ka Belamte ka thei a, ka Belamten kei ang thei uhi. Belampu leh Belamte kikal ah kimeel thei tuona poimaw mama hi. Etkawl na isep lai un i Hattuum a nu leh pa, Nungah, tangval ten ang meelthei na uoi...? Hing ngai in ang khela na uoi? Awle.... i Upa pa niin huoi na e ang chi ding uoi...? A umlou chieng nopna e ang chikha uh amah? Eima chiet kiveltha in panla tha chiet vai. Mangpa'n athu gatampi suong dingin hing guolzawl pieh taken!

THU TUOMTUOM

leh

THUMPI DINGTE



01. Pasian hoina leh umpina tang tou zel in a haa (4) lina April tan meel mu thei a Ama Hattuumte hing pui gaal kaitu Pasian min i phat masa uhi. Zou Synod year Planner umsa bangin kum kim bang kinai tou tahi.
02. Pasian hoina leh umpi na toh imi Nam sunga Khanglai Class X & XII Board a exam pete a dingin lawchinna nget pieh vaui. Tualeh Manipur Polama siemzil te leh Competitive Exam tuomtuom a dinga kisahkhawlina (Preparation) neite a dingin amin te uh lou in ana thumpi c hiet vaui.
03. Thumna toh damlou vehna: Hun leh kumte hing kiheng lamdang zel in kholum hun bang itung tou ta ua, khum toh kisai in eiten damna inga lai un mi tampiten damna ngai in Hospital mun tuomtuom ah um uhi. Sum leh pai, tha leh zung seng in va kithuopi zou sih nan lei thumna toh na pang chiet vaui.
04. Revival & Seminar hun suon uh: Presbyterian Church Zomi Colony LCC saina a Revival leh Seminar kithuo a nei ding chipen a (10) veina ZPCS Mission Conference um ding toh kisai a ahun akitsuohkhah ziehin Zomi Colony Local Church Committee ma in alemtang ding deina toh a hunchiem umlou a suon phot ahi. Programme taangpi pen angai ngai ahi ding.

SEMINAR PAPER LA DINGTE:

Paper - I Rev. Khamchinkhai Topic: Homelitics

(Pasion thugen ding dan)

- II Rev. Hangpi Manlun Topic: Khristian Innkuon

- III Rev. Awnkhankhup Topic: Christian Leadership

- IV Rev. Stephen Chinzathang Topic Church Discipline

NB: Sun hun khat ah paper (2) zel dinga tuot ahi.

05. ZPCS Pastor Suina: Pasion hoina leh mapuina muongkawm in apeisa Zou Synod a (12) vei vaihawmna thuphasah umsa bangin ZPCS sung a sem ding Pastor (2) ni kidei hi. Lunglutna neiten ngaiven thei ahi. Ama uh pen Presbytery mi leh sa hivan, chitna lam ah B.D zousa hiding uhi. Kingetna pieh top hun 31st March 2016. Interview hun ding 5th April 2016 Adieh in ZPCS theipina toh Serampore affiliated nuoi a B.D zousa leh atunglamte deisahna masa pieh ahi ding uhi.
06. Zou Synod a (10) veina Mission Conference lemtanlouna a um phut zieh a suon a umpen a concerned Committee Zou Synod M & E in bawzuina nei in ang tung ding April 22nd - 24th 2016 sung anei ding a phasah ahi. Amun, thupi leh kizah dan tangpipen suh lamdang ahisih.
07. Mangzing Field Asst. Head Mistress tha: Zou Synod M & E Committee thuphasahna bang in Nh. Niengneilam d/o Pu M. Thangkhup Presbyterian Church Tuibuang ama kingetna bang in ngaituo ahia, kituoh tah a lah ahi. Ama nu pen Muollum Mission School Product khat ahi. Ahunsung: February 2016 apat January 31st 2017 tan ding ahi. Thumna toh bawzui chiet vai.

08. Mission Field Visit: Zou Synod M & E Committee thuphasah bangin ang tung ding May 2016 sunga i Mission Field te vehna (Visit dinga phasah ahi. Ahun bawzuina pen Moderator leh incharge M & E khut a koi ahi. Thumna toh bawzui vai.
09. Tukum Hattuum chin Pasion hagau in hing veh in i pawlpi sunga nipoimaw te Palm Sunday, Good Friday leh Easter Sunday Programmte nuom thei mama hi. Mihing kama genkhiet thei chet lou halnatha, kipahna tha kitang hi.
10. USA ah ZPCS dingtha: Pasion in Ama hoina leh aphot nate hing kitanpi in tuipi gal USA tan ah zong Ama nna isepkhawmpi ding leh ipawlpi phungvuo tu ding ipuonbuhte hing kehletsah in, hing kaisausah hi. Hattuum ding chiil ahina utoh i nichin thumna phoh tontung vai.
11. Taga kepna Tuunnu Liimbeel: ZPCS nuoi a Zou Presbyterian Women Fellowship (ZPWF) etkawlina nuoi a TAGA (Orphanage) kepna adieh in Nu leh Pa neitalou a enkawltu, akemtu leh anaupangte adin thumsah vai. Khovel siem zilna mai hiloua, a hagau hundamna lam a ang gasuo chiet na dingun ana thumpi in tuamai hilou in Pasion nnasepna pipen bang a ngai a chawmtu Hattuum chin mimal chin leh adiehin a phungvuotu UK a um Ms. Flora Hatnu a dingin thumpi zing vai.
12. Thumna toh khovel pumpi totsuhna: Khantanhoi ziehin michin teng agentu ihi theisih ua, hinanleh thumna toh khovel gam zousie ituon suohthei uhi. Tamteng ahiman in khovel gam zousie a Khantanhoi puonjahtu Missionary te a ding in toplou in thumzing vai.

Reports

ZOUTANG PRESBYTERY (ZPCS) SEMINAR REPORT-2016

PASIAN hoina leh mapuina zaal in Presbyterian Church Tangpijol ah apeisa February 27-28, 2016 sung dai in "Seminar on Church Elders" chi thupi zan gin Seminar lawching tahin kizang zou hi. Tami Seminar pen Zoutaang Presbytery te saina toh zah leh man ahi. Rev. Awnkhankhup leh Rev. Khamchinkhai ten Seminar Paper feltah leh nuomtahin presentna nei ua Hattuum lamkaite kilungtai thei mama hi. Tualeh iki lametna khel lam ah Mangpa'n hing mapui in khela pumpum leh hawmthaw pumpum in Seminar kizang zou hi. Hattuum Upa mi (35) ban ah Local Church Committee (LCC) member, Presbyterian Women Fellowship (PWF) member leh Presbyterian Youth Fellowship (PYF) memberte tel in mi 250 (Zani sawmnga) bang kitel thei hi. Mangpa'n ahun bei zou apat izilsate leh izahsate a thei mai hiloua azui tu hi chiet dingin iumna Hattuum chiet uah gaasuona hing peta hen!

- Report petu:

Upa Dongkhanlal
Secretary (Sr) (ZTP)

SILLOUPI ABAWL ZIEHA NUOMTHU

Text: Isaiah 25:1-5

- Rev Jonathan Nehlien

DINGTU hinkhuoa sil poimaw mama khat ahileh nuomthu tutna ahi. Mihing mai hilouin Pasian in zong akunga nuomthu itut zing ding ang dei chi amasan I tahlang nuom hi. Pasian kunga nuomthu tutlouin Pasian pahtawina leh biehna aum thei sih hi. Bible i sim chiengin Pasian kunga nuomthu tut ding adim in kimu hi. Pasian in silhoi ang bawlpiehte zieha ama kunga nuomthu itut zing poimaw hi. Tunia i gennop ahileh Pasian in sil loupi abawl zieha akunga patawina la ahi.

Jawlnei Isaiah laibu pen bung 66 ahia, Bible neu zong akichi hi. A laibu thupi ahileh Khrist a hundamna ahi. Isaiah laibu pen thuhunlui laibu tengteng laha thuhuntha in a quote tampen laibu ahi. Thuhuntha sungah Isaiah laibu khu mun 54 vel genkhah in aum ahi. A thupi ahileh Mangpa Messiah tungtawn a suotatna khu ahi. Isaiah hun laiin Assyria thaneina ang khang a, tambang hun ah Israel nam khu ni akisuo ta hi. Pawlkhate izipte toh kithuo ua, pawldangte ahileh Syria te toh akizop uhi. Jawlnei Isaiah in a a gen thupipen ahileh mihingte toh kizop (alliance) sangin namte'n

Pasian amuon uh adeithu ana tangkou hi. Tuachin, Isaiah hun khu Israelte Jeroboam nina vaihawmna nuoi leh Judate khu a kumpipa uh Hezekiah nuoia kiningching leh thaneitah a aum tawpkhawh hun lai ahi. Himananleh sietgamna chii alah uah ang poua tua nam nite lenggam ah milimbiehna, hindan a niemkiehna leh leitungvaia a nehguh tahguhna ten apum tuom dim uhi. I text in agennop ahileh Pasian in a melmate khopi a suhchim sah zieha Pasian kunga nuomthu tutna laa ahi.

Pasian kunga nuomthu tut toh kisai Bible ah gen ding tamtah

um hi hinanleh tunin mi thum
mai kang tahlang ding :-

1. Hannah in Pasion hoinate a manghil sih hi: 1Samuel 2:1-10 i sim chiengin Hannah in Pasion hoinate tungtawn a nuomthu atutna imu hi. Hannah koi e? Elkanah ji 2te laha khat ahi. Hanna in kumchin in a pasal toh shiloh ah paitouin kithoina maitam sillat ava bawl zel uhi. Amanu taneilou(achiing) ahiziehin akingaisie mama mai hi. Tuaziehin pasian kungah ta angen a tualeh anei ngeingeileh pasian kunga pieh khieh dingin achiem hi. Athumna pasian in asaan pieh a a tapa ang pien khiehin Pasion in aza hi chi loukawm in amin “Samuel” aphuoh ta hi. Tuachin ang tai thei bep in Shiloh ah Siempu Eli toh umkhawm a zil sah dingin ava koi tau hi. a gaa bange ichileh Hannah khu ta dang nga vel nu zong ahi ta a,(1sa.2:2). Pasion

in athuumna asan pieh
zoiehin Hanna in pasian
kungah nuomthu atut hi.

2. Jesu’nu Mary in Pasion pahtawinan la sa hi: Khantanhoi Luke 1:46-55 na simleh Mary Jesu nuin zong Pasion a pahtawi chi akimu thei hi. Hannah leh mary bangin nang leh kei zong I hinkhuo a pasian nasep dan dan a muong dingin ikichiel hi. Mi tamtah Hannah banga lungke tahin ium maithei hinanleh lungke sih va uiin kipan tha zaw sawp va ui. Pasion kunga I thumna ang kidawng pailou chiengin khenkhat ngaituona ah sil tampi hing kilang hi. Himananaleh lungke sih va ui. I hinkhuo a Pasion thuchiem a tangtun thei na dingin lungke sih va ui. Maryin Pasion pahtawina la aphuoh chi imu hi nang in Pasion hoina te ziehin patawina la na sa kha tai?
3. Phah sawm kisudamte laha khatpain I Mangpa

Jesu kungah nuomthu
ava gen hi.(Luke 17: 11-
19) Kipahthu genloua
umtheithou uh hinapia
khatpan I mangpa kunga
nuomthu ava gen in I
Mangpa akipahsah sese
ahi chi imu hi. Phahte khu
sienglou a koi ahiziehun
khawpi sungah kiumsah
lou hi. Mi sawm kisudam
te lahah mi khat main
I Mangpa Jesu kungah
kipathu gen in ang pei
kia chi imu hi. Mangpa'n
sawm kisudam hilou ahiei
mah kuohte hey aum ta
uh e ? ana chi hiel ahi.
Tamna pat in kipahthu gen
I Mangpa'n angai poimaw
dan alang thei ahi.

Khristian hinkhuo a
kipahthu genna lam sanga
phunnoina(complaint)tein
aluodim chiengin Pasian
kipahna sangin a lungthahna ahi
zaw sop hi. Israel tate a phunnoi
ziehun gamdaia shina atuohlaw
uh chi imu hi(Num 14:2-3).
Adiehin lamkaite gensietna leh
phunnoina khu khelna ahi. Tua
gensiet sanga akung ua va haw

a thumpi angai leh va thumpi
zawh ding ahi. Mihingte pen
khatvei gen a, iki hil zoulou
leh zong nivei/thumvei tan ah
kitheisiem dingin ka gingta hi.

Atawpnan, Pasian kunga
nuomthu itut chiengin silhoi
idonte zieha nuomthu tut mai
hilouin itunga hasatna hing
tungte zieha zong kipathu gen
ding ahi dan ang hil nopna ahi.
Pasian pahtawina hinkhuo nei
apoimaw mama mai hi aziehp
tambanga i bawl chiengin eima
lampang kimanghil in Pasian
kiphawh zaw hi. La khat in
“count your blessings one by
one” achia, “guolzawl na
donte khat khat in aban ban in
sim in...” achi hi.

Pasian guolzawl na leh lungsietna
bangzataha thupi leh lamdang
atai chi ngaituoin nuomthu gen
tawp sih va ui. Mangpan athu
guolzawl ta hen!

Note: Bible na simbe utleh -
Psalm 95:2-4, 1Cor.1L4-5,1
Thessalonians 5:18 Philippians
4:6 Psalm 7:17 Psalm 107:1
Ephesians 5:20 Psalm 100:1-5

PASIAN GAM VAWIHAWMNA COMMITTEE (MEETING)
**CHIENG A UMDING DAN LEH
HAMKAM ZAH DINGDANTE**

Rev. Hangpi Manlun

- i). Thupatna. Meeting/ Committee khu adiehin ei hattuumte lah ah ihabawlua, ibawltam leh jau/tel tam uh toh kitawnin isiemthei votlou uh silkhat chilei jong ichikhiel sih ding uhi. Tualeh eite khu vaihawmna ah Local, District, Presbytery, Synod leh General Assembly lieng a vaihawmna neite ihi uhi. Tuaziehin vaihawmna mun a ium chieng ua a iham-le-pau zah ding dan leh umding dan thute ikikum ding uhi. Eite khu atangpi in hun chin a committee/meeting atouzingte, kumtop vaihawmna (session) chite a neitou jelte ihina uah apoimaw mama hi.
- ii). Thu i kikap chieng un lungsim tahtah leh ngaisutna seng zenin

kikum va-ui. Awleh, Committee leh Meeting khat pou pou a ipanchieng un, amasapen in mite mitmei vengjing kawmin a ium sawm ding uhi. Tualeh Agenda khat ang kigen chieng in dingpai pel pol louin, athukhu ngaitua masa detdetin ium ding ua, idin sawm leh puitu khu Moderator, President, Chairman/Chairperson ahileh hoitahin Pu/Pi chiin ihan masa ding uhi. Thu khat pou pou ikikap chieng un ithulu (agenda) ma thupi ngaisut a, agenda puolam leh utut teng moh gen thanglou ding ahi. Thamlouin, agenda khat ading tam pen a panlou hamsawm a, en igenlou leh kikhelthei ding ahisihnahpou leh migen sasa jong vagen khellou jong apoisih hi.

Tuaban ah, thu saupipi gen leh i agenda loupi soigen leh utut in igen jel jul sih ding uhi. Tualeh, chiemmui bawl chite, thu khat poupou neu ngaitua chite, mite taihil leh thupi simlou chite nei sih va-ui. Tuabanah kithupisahna kamteng leh atheipen bang thu gen lou a kingiem khiehtah gen joh ding ahi. Thu pen ahun-le-amun zil in athupi ahi. I thu toh kisai hoi isahna, hoi lou isahlounate, i muna, itheina, ideina, ideilouna, ithukimna thukimlounate ilawm iguolte theithei ding a kam dam toh igen ding uh ahi. Tualeh aw sang jah, lungthah akitom, nuahtai chite ibawl sih ding uhi. Tualeh thu kikup laitah a ham/paulou a, ngaidan jong genlou a, top chieng a keipen in ithupuosah uh hoisa sing, thukim vot sing, kei hoisahna tambang hi chin nua gengen sih va-ui. I gen nuomte khu agen hun agen ding ahi. Thu

kikup chieng a lungsim thepnei, lungsim koi leh naupang bang a helna lungsim ineite paikhia in, hoi isahnate gawmkhawm in, kikum lei hing hoi ding hi. Tua hileh itup-le-ngimnate kitang tun thei giap ding hi. Tualeh committee leh meeting sung a na ihmud san mai leh topkal naupang bang a ngahla chite jong iching sih ding uhi.

- iii). I thupuosah leh Committee thute khu innsung leh hotel dung pou ah igen jeng jung sih ding uhi. Committee khat poupou a apangthei ihi leh thuguh kemsiem mi ihiding uh ahi. A diehin sahkhua lamkaite khu ipilvang mama ding uh ahi. Committee topnailou a ithupuosah leh thu kikupnate khu hotel dung vel a, miten kung gen thang mailou ding ahi. Eitepen Pasian thuguh enkawl-le-kemtute ihijieh un thuguh khu ikepsiem mama ding uh ahi.

iv). Thu khat pou pou atamzaw hoisahna leh thu kimna toh khen sah va-ui. Mihingte thu leh vai ahijong in iminam vai, i pawl sung vai igam ileitung vai hita leh jong ikikup chieng un, eima deidan tang tun sah teitei sawmnate, eima ngaidan beh thupisah luotnate, minthana utnate, ang sung khuolnate, topsan in atam jaw deinate jui sawm in vai ihawm ding uhi. Tuabang ihithei lou ziehun tahsa-le-hagau a ikivaihawmnate ah imasawn un ikhangthei sih uhi. Vaihawmna khat pou pou atamzaw deina toh kalsuon in vaihawm lei kikhangtou teitei ding hi. Tualeh lamkai khat ihizieh a mani deidan leh ngaidan sum kuong chieng kei mailouin atamzaw deidan zuithei ding ium ding uh ahi. Tuaban ah, Pawlpi khat vaihawmnate khu mimal minphatna ding, maipha suina leh nnasep silbawl bang in

ila in ingaisih ding uhi. Thamlouin, itungtang thu akigen leh agentupa/nu khu galbawl leh ngaw mailouin committee lemsah ahi chin ingaitua ding uhi. Nidanglaiin, Pastor khat a hattuohte un singtang lam gamla deu mai khat ah a transfer ua, atate lungthahin koi e agentu chia vuoh ding bangphiel a asawm laiun Pastorpan, “Committee te gen leh lemsah ahi chin” atate ahanthawn akichi hi. Eite pen Committee thupuosah hijong leh mimal khat tung a lungthah leh ngawmate itop san uh ahunta hi. Tualeh lamkaiten jong vaihawmna thu kigente khu midangte maipha suina neisawm mai a keima hing guot leh gensah chite a ipawlpi min a nna kisemte khu a credit ilahsawmnate topsan ta va-ui. Thupina khu Pasian leh pawlpi pejaw va-ui.

v). Khat-le-khatte kithupi simna leh kizatat tuona

toh sem ni. Eimite sung ah ipienna, iphung itaang zui in ahijong in, ikhuo i tui, imun imuol zuiin ahizong in, iham ipau i aw suote zuiin ahijong in, ham kithei, thu kikum khawm thei, lasa khawm thei, lai leh ngaina azangkhawm thei hinapi khat-le-khat kimidang bawlin, kituom bawlin, kideidan in, kineu etin, kikhel bawlin, chiemmuina i ikinei ua, midangte thupi sim in ei-le-ei ikisimmaw uhi. Tuabang a ium ziehin kimai ngaplou, kiit lou, kipawlkhawmna tawm ahiziehin, nna isemthei sih uhi. Aituom nnasepna a ihat bang un, kipawl khawmnate ah ihat het sih uhi. Tuate ahiziehin mailam hun ah khat-le-khat kithupi sim in kizatat bawllei kiitna khang in, kipawl khawmna ah isemkhawm thei ding uhi. Tua hileh igam ilei ikhuo leh tui ang nuom mama ding hi. Tuachin

ihing hat mama ding uhi. Tualeh vaihawmna khat a ipanchieng un ibawn un kibang ihilam manghillouin ikizatat tua ding uhi. Thamlouin ilawm iguolte thugen khu hoitahin ingaisah ding uhi. Tualeh ilawmte leh ei ngaidan akibahsihtah leh jong thakhat thu pongsel mailouin, Etsahna ding A m a n u / p a / m e m b e r zatathuoi in hichin gen jong leh amangaidan hoilou china hipongsanna hilou in kei ngaidan in hichi jaw leh chilei miten zathada lou ding uh. Musitna hamteng leh nuaisiana kamtengte khu miten jada in thuohtheilou uhi. Tuaziehin hamzah dan pilvang in iguolte jahnop ding kamtengte jang lei pichin huai mama ding hi.

vi). Kithumanna thupi ngai sut va-ui. Mi pawl khatte in hausa upa, shiete leh makaite thumanna pen miphahlouna, guol lelana, fellouna, kisimawhna, mi

nuoi aumna, neuna pou isakha leng uhi. Tuabang a lamkai vaihawmte thu manglou a niel gopna in, hamkhum gopnate pen, hangsanna, pilna, thutheina, guol tungtuonna dan khatin mu in ih pahtat bawl kha zenzen uhi. Nu-le-pa thu, hausa upa thu, shiete vaihawmte thu manglou leh zuilou ihiman un, ipilding za, siem ding za, ituoh phat ding a ikamphat ding ja in ikampha sih uhi. Supna-le-matun zoulouna ituoh kha leng uhi. Tuaziehin i innkuon sung, ikhuo itui leh ihattuom pawllpite sung leh igam ilei a khat-le-khatkithupi sim in, kithuman lei minam ngaina leh biehnate ah, ikigawm khawm thei ding a, i gam zong hing nuom mama ding hi. Gam khangtou leh minam khangtoute khun alamkaite uh thu uh amangun akituoh ua, tuachin Namthupite ahitaangpi uhi.

vii). Tualeh Committee khatpoupou a ilawm iguol toh ingaidan akibah sihtah leh jong kimuda mai sih va-ui. I gensa bang un Committee masang a campaign mabawl a mite thugen ding dante mahil/gen leh tup-le-ngim neisa i umlou ding uh ahi. Tuaban ah vaihawmna khat poupou a ipanchieng ua, ilawm iguolte toh ingaidan akibah sih leh jong mite pong mudamai louin ingaidan kituohlou ahigiep a ei mimal a kimuda chite iching sih ding uhi. A thu ikihausah/nielsah ding ua eima mimal vang ikihuot leh ikihau koilou ding uh ahi. Tambang iumthei chieng un mipi ching iitheipan giep ding uhi. Tualeh akhente khun imuda leh kituohpi lou khat in bangchi bang in thuhoi gen leh jong selkhieh sawm teitei chite jong naupan vai leh pichinlouna chi khat ahi kia hi. Tuaziehin

mimal tah a ikumudana leh theisiemlouna umkhate khu pawlpi leh committee na mun vel a phuba kilahna ineilou ding uh ahi.

in hattuum vaihawmnate jong khawvel politics vaihawmnate sang in anieh johna leh gen leh sah ding tampi ang umthei leng hi.

viii). Kimai etna leh be-le-phung vai toh vaihawmlou ding ahi. Committee leh Meeting a panchieng un lamkaite mai et leh be-le-phung vai a vaihawmlou ding ahi. Tulai a dahuai mama khat ahileh thudihlou theina zenpi a ahuntah a gen ngamlou chite khu duhdahlouna chi khat ahi. Hattuum-le-pawlpi khat in sih-le-tang a ang guot/sawl chieng un ihattuum daan-le-duun leh hinate igup tinten mai ding uh ahi. Koi e khat mai et leh amitmawna uh gen ngamlou ding khop a mikhat sakhau (pocket) a i saltanlou ding uh ahi. Pasion deina bang e chi ngaitua kawm a adihlou hi a itheite pen hangsan tah igen ngam ding uh ahi. Tambang a Upa lamkaite iding ngamlouna

ix). Committee (Meeting) puitute umding dan. Kumtop khawmpi e, ahisihi leh Committee khat pou a chair nalah leh memberte thugen leh ngaidan hoitah ngaikhieh a, atamjaw deidan hiding igintatpen a thutanna bawl ding ahi. Tualeh kiliensahtah mai mithugen ngaikhiehsahlou leh thusimlou chite bawl hetlou ding ahoi mama hi. Ei a lamkaipen ihivang a agen tampen leh mani thu tunsah teitei chite bawl keilou ding ahi Nidanglain pastor khat a ki-transfer leh utlouin keima power in suoi kakai sih ding achimai hi. Tambang ngaidan khu vaihawmtu chitlouna suhlatna ahi. I vaihawmna sung atamzaw in adeidan ahileh ishina ding ahitah jong leh lemsahpi mai ding dan ahi. Tualeh

Committee a alaigeltu
ihitah leh jong miten agen
masang leh Chairman in
agenda a move masang
a nagel mailou ding ahi.
Hoitah a nangai khinkhien
a Chairman/Moderator in
thupuona ang bawl chieng
a gelpan ding ahi.

- x) Vaihawmna mun ah ihagau
mitna i suhlat jing ding
uh ahi. Tulai mipawl khat
kihagau misah khen khatte
khun hattuum vaihawmna
khu tahsa sil in angai un
panlou ding chibangin
ngaidan anei uhi. Tuabang
mite khun mite vaihawmna
bang anua soisel leh
adem thei uhi. Tuanah
sang ahitheitan a pan a
ahoilou laite siemphat
sawm a hagau mitah a
jong vaihawmthei ahi.
Hattuum leh Organization
tuomtuom ah vaihawmna
(Administration) ahoilou
chieng tua hattuum/pawlp
khu ahatding bang tah in
ahatthei sih hi. Tuaziehin
vaihawmna khu Pasian thu
leh hagau thu ahichi thei

kawm a lungluttah a pan
khu pawlp chidamna khat
ahi.

- xi). Akhumsitna ding in.
A bangteng hileh jong
Committee/Meeting khat
poupou a ipan a atamzaw
deina bang vai ihawm nua
un, i lemsahpina khut itun
nua un hoi in hoi sih leh
jong ithupuosah mama
khu igup tinten mai ding
uh ahi. Tamkhu pichin vai
leh lamkai chitna khat ahi
Eima thupuosah sah khu
anua deilou a complain
bawl mai khu silchin ding
in ahoisih hi. I Khut tuhna
leh suoikaina khu igup
tinten ding uh ahi. Tuaban
ah groupism chite leh lang
nei sih nei a thu igenlou
ua vai jong ihawmlou
ding uh ahi. Adiehin
Pasian gam vaihawmna
ah silzousie vawmpi satu
a tumailouin, eisang in
midangte hamphatna ding
ingaituo thei chieng un
mipiching leh tusang in
ikhangtou jaw ding uhi.
Tuaban ah, ithupuosahte

khu ahithei ham leh top
masanga secretary in khat
vei teitei sim suohsah
phot a adihlou lai umte
khu siemphat jeljel ding
ahi. Kimuong jieh leh

kin zieh pou ithupuosahte
nuasimlou mai khu
bawlkheltheina tampi aum
thei hi. Mangpan simtu
zousiete hing mapui jingta
hen! Amen.

NA GAM HING TUNG HEN!

- By Upa Khupsuankham

Mangpa Jesu'n ka pa uh van a um, Namin kizatat hen "Na gam hing tung hen!" (Mathew 6:9). Tualeh Jesu'n "Pasian gam khu nouma lah a um giagua ahibou hi" achi hi. (Luke 17:21).

- Lenggam ah leng a-um a,
- Sapgam ah sap a-um a,
- Kolhgam ah kolh a-um a,
- Kawlgam ah kawlte ma um mabang in,
- Pasian gam ah Pasian ma a-um hi.

Nagam hing tung hen, ichi in angawl ahijieh in.

chieng un Pasian ilah uah a-um a, tua khu Pasian kakung ah a-um china toh kibang ahi. (Luke 17:21). Pasian gam khu nalah uah a-um hi, achilai in keima Pasian Tapa kahia, ka umna gam khu Pasian gam ahia, tua noute lah a ka-um jieh in nalah ua Pasian gam tung ahita hi. Pa toh ama pumkhat ahijieh in (John 17:8-11) leh Pa

Pasian gam chipen Pasian vaihawmna gam china ahia, Pasian thuneina mun china zong ahi. Ang tungding silpen ahing tung panta a, agim namtui ichiem khapanta uhi. "Mittaw in khuo amuta gentheite'n khantanhoi zata uh, (Mathew 11:5) tualeh mi ngiemte dopsang in umta" (John 4:27-30). Pasian

gam pen ang naita chi higieplou in ilah uah um ahita a, abukim naitadi sih chi chau akisam hi (I Kor. 13:12).

Mangpa Jesu'n atotna tapou ah Pasian gam atung a, mite'n Pasian gam amu ding ua, a thei ding uh nopna lampi tuomtuom ah a experience ta uhi. "Natna adamsah a, gilkielte ann apie a, mishi ahingsah kia a, Hundamna campaign abawl a (Luke 19:5-10). Mite'n ana simmaw ua, ana musit uh, numei leh numei thanghuoite nasan alainatpi a, abuoina uh (ensan mailou in) asuhvengsah sawm hi. (Etsahnan: Samari numei angkawm) tua khu azawng apha tung a Pasian gam tunna ahi.

Tunia eite lah a Pasian gam tundan gentalei lawm-le-guol khenkhatte'n Mangpa Jesu lah umnonlou a, achi ut maithei uhi (John 14:15-17) sung enlechin, Hagau Siengthou (Mangpa Jesu sih leh tang a) amu ua, anei uh khu ilah ua Pasian gam tunna ahi (John 14:17) ah zong agenbe nalai hi.

Nangma hinna leh hinkhuo ah Pasian gam ang tungtai? Nanei khatai? Nahinna theichet ngelleh "Na gam hingtung hen! nachipen angtung panta a, tahsa a nadamsung in na hinkhuo ah Pasian gam experience in alang ding a, abukimna hing tungding khu nakinem ngam ding hi".

Mangpa'n athu guolzawlta hen!

PRESBYTERIAN CHURCH, ZOMI COLONY (ZPCS)

Membership List of Bible Society of India (BSI) 2016

PATRON MEMBERS: RATE RS. 1000/-

1. Rev. Kamkhosoi
2. Rev. Stephen Chinzathang
3. Upa M. Kamzadou
4. Upa Sianzahau
5. Upa T. Kaizalam
6. Upa Ngulchinkham

7. Pa Khaikhanpau
8. Pa Nehzamang
9. Nu Chingzanieng
10. Nu Veineilam
11. Nu Chiindeinieng

LIFE MEMBERS RATE
RS. 500

1. Nh. Chiinneinieng
2. Pa Chinkholun
3. Nu Niengkhanuom
4. Nu Niengneikim
5. Felix Chinbizo
7. Poly Hoilunching
8. Christy Lamsiemkim
9. Kevin Manglienthang
10. Nh. Niengneilam
11. Jesica Chingneilam
12. M. Khamkholian
13. Upa Liansuanpau
14. Janglalmuan
15. P. Niangngaiching
16. L. Manngai
17. Nu Dimkhochiin
18. Ebenezer Khuplien
19. Nh. Chiinhoikim
20. Gleamy Manneikim
21. Ely Chiinneikim
22. Wandy Lawmnunsiem
23. Hamas Paukhanlun
24. M. Chinsuanlal

25. M. Kapsutlian
26. Samuel Khamsuonkhai
27. Jeny Chinghoikim
28. Nu Ngailianhoi
29. Nu Chiinneivung
30. Tv. Muanlian Tawtah

HOLY BIBLE COPY - 1

RATE RS. 150

1. Boy John T. Lammunokhup
2. Emanuel Zamlunlal
3. Reuben Chinlienmung
4. Hauchinkhup
5. Tuanlian John
6. Rachel Chinghoikim
7. Khupsuanpau
8. Nuomdeiching
9. Upa Chinkham
10. Dongchinthang
11. Lhaizahoi
12. Zendeilam
13. Khamsiamlian
14. Hoilunching
15. M. Suanliansang
16. M. Khamlienkhup
17. Nu Lunhoikim
18. M. Nengkhanmang
19. Chingnejem
20. Thanglianpau

NEW TESTAMENT COPY - 1

RATE RS. 50

1. Chinsuanlian
2. Ngaihoikim
3. Paulin Chiinsianbieh
4. Niengdeihoi

MEMORIAL GIFT RATE RS. 100- TUNGLAM

1. Nu Dimkhochiin & Family In memory of
(L) Upa Ngulzakhup
2. Upa Ngulchinkham & Family In memory of
(L) M. Dousuankhup @ Khupboi
3. Nu Ngaizachiin & Family in memory of
(L) Helthang

WEDDING GIFT RATE RS. 100/-

1. Mr & Mrs Upa Liansuanpau in memory of 45 years Weding
Anniversary
2. Upanu Nuamkhonieng w/o Upa Liansuanpau as memorial
gift of ZUOVANG LIIM HOME

Total Amount Rs. 29700

ZPWF REPORT

24th February to 21st March 2016 tan a Tunnu Limbel panpina
pete tam anei abang a tahlat ahi.

1. Nu Niangkhannuam w/o Pa T. Chinlun of Zomi Colony
Bawngsa Kg-4
 2. Pa Lunthang of Lunjang Sakhisa Malkhat
 3. Nu Kimboi (Khuoinuoi hausanu) and Family
Anntang Half Bag 1
 4. Upa Jamsianmung and Family, Zomi Colony
Anntang Half Bag 1
 5. Esther Chingnu, Bangalore Rs. 7,000
 6. Rev. Khamminlian, Behiangjang Rs. 500
-

7. Nu T. Chiinneikim, Lailamveng	Rs. 15,000
8. Upa Dr. Lachinkhai & Family	Rs. 2,000
9. Daizamuan, Mawngken	Rs. 200
10. Upanu Ngaikhannian, Behiangjang	Rs. 6,800
11. Mrs. Flora Hatnu, UK	Rs. 24,000
12. Nu Haukhoching, Zomi Colony	Rs. 1,500
13. PWF New Zoveng Anntang	Kg-52
14. PWF LDCC Hiangzou Anntang	kg-76
15. ZWS, Shilong	Rs. 9,911
16. ZPWF Khawmpi (Sugnu) Tuohkhawm	Rs. 4,215
17. ZPWF Khawmpi (Sugnu) Pledge Card akimu	Rs. 21,260
18. ZPC, USA	Rs. 12,512

ZPWF SEMINAR KHAWMPI 2016 (SUGNU)
TUNNU LIMBEL GINNA THUCHIEM LIST


Tu-le-tu apete

Min	Khuo	Piehzat
1. Rev. Khupkhansua, Imphal		Rs. 2,000
2. Goineikim, Sugnu		Rs. 500
3. Nu Hoichiin, Imphal		Rs. 500
4. Nu M. Mankhanngai, Lailamveng		Rs. 200
5. Nu Niangneikim, Zomi Colony		Rs. 300
6. Nu Veineilam, Zomi Colony		Rs. 500
7. Nu Ngaikhannuam, New Lamka		Rs. 50
8. Thambasana, Mangjing		Rs. 20
9. Nh. Vavah, Sangaikot		Rs. 20
10. Niangkhanvung, Kamdouveng		Rs. 100
11. Nu Chingkhannuam, Central Church		Rs. 100
12. Engzaching, Tuining		Rs. 100
13. Lianzachin, MEP		Rs. 10
14. Nu Deiching, Moren W/No. 2		Rs. 100
15. Luanngaichiin, MEP		Rs. 10

16. Chingsuanmuang, Moreh	Rs.	100
17. Vungkhanching, LDCC Hiangzou	Rs.	100
18. Haugouching, Hiangtam	Rs.	10
19. Nemzanuam, Sangaikot	Rs.	10
20. Hatneichiin, Sangaikot	Rs.	20
21. Vungngailian, Muollum	Rs.	20
22. Zelkhochiin, Muollum	Rs.	50
23. Mansuanmuang, Central Church	Rs.	100
24. Pi Ngaikhonel, T. Zion	Rs.	10
25. Hatnu, Bohlui	Rs.	20
26. Donneiching, Central Church	Rs.	100
27. Niangneilam, Mangjing	Rs.	100
28. Mannianngai, Lailamveng	Rs.	100
29. Jamneiching, Tuining	Rs.	50
30. Asha Chanu, Mangjing	Rs.	50
31. Mangnian, Tuining	Rs.	50
32. Nu Niengmuanching, Sugnu	Rs.	50
33. Nu Ngaihoi, Awnchinkap khuo	Rs.	100
34. Nu Mankhanniang, New Zoveng	Rs.	100
35. Nu Zouching, Muollum	Rs.	50
36. Nu Gingouniang, Zomi Colony	Rs.	100
37. Nu Chingkhavung, Kanan Veng	Rs.	100
38. Nu Maman, New Zoveng	Rs.	50
39. Pi Niankhanching, Lailam Veng	Rs.	100
40. Christy Chinglemkim, Sugnu	Rs.	50
41. Vungngaihmag, Lamphel	Rs.	500
42. Nu Donzahat, Chingmag khuo	Rs.	100
43. Pastor Mangmuanthang, Sugnu	Rs.	100
44. Nu Veikhoniang, Zoumunnuam	Rs.	50
45. Nu Ngaihching	Rs.	100

Sutzop ding.....

Adihlou a umleh Office a suhdih ding ahi.



SUUNNA

Phamsa Upa P. Ginzamang - 61
Atanchin tomkim

Phamsa **Upa P. Ginzamang** pen Upa Tunzalang leh (L) Pi Chingkhongaite tapa tahpen ahi. Kum 1955 in T. Khuongkhai khuo ah ana pieng hi. Kum 1979 April haa in (L) T. Ginsuon-pau tanu Chingngainieng toh akiteng uhi. Pasion guolzawl na gil a ga goutan ta pasal-4 leh numei-5 anei uhi. Kum 2012 in a (46) vei Manipur Eastern Presbytery (MEP) khawmpi in T. Munnuom Hattuum kem leh enkawl dingin Ordination ana tangsah hi. Hun peisa kum 4/5 vel apat in awm natna (Ashma) nei in kizen den a, theitawp suo a etkawl ahinuo in dated 4th March 2016 4:00pm in thupina gam a hing zawtsan tahi. Tam i Khristian Tangkou tuongtawn in ama iit thu leh i suun thu ipuong uhi. Mangpa'n aji, atate hamuon in umpi zing taken.

Adamlai a alaa deite:

1. Hun leh kum tuibang kiemzel
2. Kap in mauta sia uh

PATRON MEMBER-TE

1. Upe Gouzzemang	2. Pu Hov. Khamchinkhup	3. Pu Khamzalem	4. Pu Chinzsuan
5. Upe Uansuanpau	6. Pu Khamchinthang	7. Pu S. Dalhang	8. Upe Kaphenthang
9. Upe Lenggimang	10. Upe S. Nangkhanal	11. Pu S. Lamkhathang	12. Upe Dr. M. Lachinkhel
13. Upe Khamchinkam	14. (L) Upe D.K. Menlun	15. Upe Suanthamang	16. (L) Upe Khuppu
17. Upe Chinkhem	18. Upe Ngulchinkhem	19. (L) Rev. Retd. V. Vangzalen	20. Rev. Retd. Kamthosol
21. Rev. Tusazchin	22. Rev. (Retd.) H. Nengzalen	23. Rev. Awnkhanthup	24. Rev. Hengpi Menlun
25. Pu Tuanzapsu	26. (L) Rev. Ginchinkam	27. (L) Rev. Khamzsuan	28. Upe T. Lamkhathang
29. Upe Kheichinmang	30. Rev. Chinzathang	31. Pu Khupkhamang	32. Pu Kheldohlan
33. Hov. Khamzhang	34. Pu Vangzuanuam	35. Pu T. Gouzzou	36. Pu Uansuanpau
37. Pi Zekthachin	38. Pi Hethamvung	39. (L) Pi Ngathachang	40. Pi Menkhamnieng
41. Pu Goukhamang	42. Pi Chingzalem	43. Pu S. Thanzakhal	44. Pi Kamkhamching
45. Pu Haulkhanpau	46. Pu Tuslunmang	47. (L) Pu Dongkap	48. (L) Pi Chingkhamang
49. Pi Donkhanon	50. Upe Hanzakthup	51. (L) Pu Selchinkau	52. Pu Goumang
53. (L) Upe Khamthanthang	54. Shie Laangkhanal	55. Pu Khamkhanon	56. Upe L. Tuslunpau
57. Upe Jamzalemang	58. Upe Ginzadong	59. Pu Kalzathang	60. Pi Gouzsuan
61. Pi Thangnekah	62. Pu Khamzathang	63. Pi Danchin	64. Upe Uankhamang
65. Pu Haulchinkun	66. Pu T. S. Lal	67. Pi Gochin	68. Pu T. Khupchinthang
69. Upe T. Kalzalem	70. Pu Paul Henkhal	71. (L) Pu Solkham	72. Rev. P.C. Munga
73. Rev. Khamchinkhal	74. Rev. Jamkhanpau	75. Rev. Chinzapsu	76. Rev. Retd. Kamthosam
77. (L) Upe Chinku	78. Pu Zamkhamthang	79. Pu Chinglen	80. Mrs Chinkhamnieng
81. Upe P. K. Sole	82. Pu Goukhal	83. Pi Nangkhamang	84. Evan. Retd. G.L. Joshy
85. Pi S. Chingkhamang	86. (L) Pu Vumchinkhup	87. Upe Khamthang	88. Upe T. C. Pau
89. Upe Nengchinkap	90. (L) Upe Jamkhongam	91. Upe HT Munga	92. Mrs. Vekkhaling
93. Pu Haulkhanpau	94. Pi Chinu	95. Upe Ngulzakhal	96. (L) Upe T. Gougin
97. Pu Ginzuanpau	98. Pu L. Langminthang	99. Rev. David K. Samte	100. Upe T.S.K. Samte
101. Upe S.K. Khama	102. Pu Jamkhopao	103. Pu Thethang Tethul	104. Pu Kamkhanpau
105. Bhim Pressad	106. Rev. M. Kapsuanthang	107. Nu Chingnekim	108. Rev. Khupkhamang
109. Pi Mannuanmang	110. Rev. Kalmuanal	111. Upe Nengkhamen	112. Nh. Detoreh Zou
113. Pu T. Kuppa	114. Rev. Mungsuanthang	115. (L) Pu Lamchinkau	116. Upe Pouchinlei
117. Kimmethol	118. Pu Kamkhanpau	119. Nh. Nangsuanuam	120. Nu Ngakhamvung
121. P. Sanjiv Zou	122. Upe M. Kaichinkham	123. Upe T. Sianchinkau	124. Upe Sianzhang
125. Pu L. Thunkhosai	126. Pu Kamsuanhang		

LIFE MEMBER-TE

01. (L) Upe T. Khupkhamang	02. (L) Pu M. Ginzapau	03. Pu Selzapsu
04. Pu L.C. Paulungnung	05. (L) Pi Khamkhamnieng	06. Pi Ngansuan
07. Pu Chinsuanthang	08. Pu Shanti Kumar	09. Pu Kamkhosau
10. (L) Pu Khamkhosau	11. Upe Khamzathang	12. Upe Chinkhamthang
13. Pu Tongzathang	14. Pi Chinnelem	15. Upe Kulthang
16. H/Sm. Upe Kaichinkau		

Undelivered
Please return to:

The Editor
CHRISTIAN TANGKOU
ZPCS Office, Zomi Colony
Churachandpur - 795 128
P.O. Box - 48, Manipur, India
e-mail: zpcs@rediffmail.com / zousynod05@gmail.com

7a,